

# Ямде лий



1933 ий 1 февраль годсек лектеш.

## Эн пиаланлан – пöлек




«Ямде лий» газетым лудшо-влак эн пиалан улыт. Молан? Марий Эл Республикысе, пошкудо кундемласе уверым эн ончыч пален налыт.

Подпискым ыштымеке, квитанцийыштым редакцийышке колтат да лотерей модышышко ушнат. Пöлекше могай чапле! Велосипед, бассейн, самокат, телефон, электроконга, блендер... Нунын озашт кызытат, йöратыме газетыштан тауштен, куанен йöштылыт, куда-лыштыт, тамле кочкышым ямдылат.

2023 ийын икымше пелийжым иктешлымеке, тунн призым, электрочайникым, Советский район Шуарсола ял гыч Т.Ефимова модын налын. Татьяна Алина ден Милана удыржö-влаклан, Евгений пелашыжлан тамле чайым шолтен йукта. Морко район Купсола ял гыч «Ямде лий» газетын чолга юнкоржо Даша Сошинам лотерей модыш кумыж набор дене куандарен. «Мый тышан эн тутло кочкышым ямдылаш тунналам», – мане удыр. Ты районысо Изи Кушна ял гыч Л.Сергеевалан смартфонлан подставка логалын. Любовь Юрьевна 2-шо номеран Морко школышто туныкта. Уроклан ямдылалтме годым түрлö видеом онча. Чапле подставка кидшым кандараш полша манын ушанена.

Йолташ-влак, теат тыгай чапле пöлекым модын налнеда? Тугеже «Ямде лий» газетлан возалташ вашкыза.

**Х.АЛЕКСАНДРОВА.**



Авторын да еш архив гыч налме фото-влак.



## «Шүштө мечыште» кокимшо

Башкортостан Республик Салават олаште 2012-2013 ийлаште шочшо-влак коклаште футбол дене «Кожаный мяч» всероссийский тагасымаш эртаралтын. Российын түрлө регионжо гыч 16 команде ушнен. Марий Элын чапшым Волжск олесе «Волжск» команде арален да кокимшо верым сенен налын. Икмыняр кечаш тага-

сымаште самырык спортсмен-шамыч Калининград, Саратов, Приморский кундемла да Башкортостан Республик гыч толшо командам сененыт. Финалыште Амур областын командыж дене тагасеныт. Самырык футболист-влакым да тренерышт А.Б.Васильченком шокшын саламлена!

**Е.ИВАНОВА** ямдылен.

### Историйым шергалына

1944 ий 29 августышто Яско-Кишинёв операций мучаш-лалтын. Совет войска операций годым Молдавийым фашист тўжика деч утарен. Румыний Германий ваптареш крдалаш тўжалын.

## Лагерыште келшен

Шукерте огыл «Радужный» йоча лагерь пелен «Импульс Первых» республикысе профиль сменяште лийынам. Тушто у йолташ-влакым муынам (**снимкыште**), уш-акылемым пойдаренам. Кажне кече лектышан да пайдале улмыж дене ойыртемалтын. Тўрлө мастерскойшто усталыкнам вианденна, семинарлаште шинчымашнам пенгыдемденна, онай ег-влак дене

вашлийынна. Вожатый-шамыч заданийым кажне кечылан ямдыленыт. Ме түрлө направлений дене пашам ышташ тунемынна. Ег-влак дене кылым ыштен моштымо, шкем кузе кучаш кулмө нерген пален налынна. Конкурслашке ушнаш моткоч келшен. Лагерь сай шарнымашым коден. Чонем угыч тушко шупшеш.

**Анжилина ЧУЛКОВА.**

**У Торъял, Кузнеч.**



Фотом еш архив гыч налме.

## Российысе увер

4-14 ияш улыда?

Тўрлө онай персонажым шонкален сўретлаш йоратедат? Тугеже «Мой сказочный друг» всероссийский конкурс – тыланда. Сўретдам [stolichki.ru](http://stolichki.ru) сайтыш **31 август марте** колтыза.

Финанс грамотность дене проектым возаш кумылан ўдыр-рвезе-влакым «Фин30Ж эксперт» всероссийский конкурсеш ушнаш ўжыт. Йодмашым да пашам [fgpress@nifi.ru](mailto:fgpress@nifi.ru) адрес дене электрон почтыш **1 ноябрь марте** колтыман. Тўрыс увер – [vsekonkursy.ru](http://vsekonkursy.ru) сайтыште.

Йоча да самырык-влакын «Движение Первых» российысе толкынышт «Дети – соавторы оформления школьных пространств» всероссийский конкурсым увертарен. Келшыше тагасым ойырен, пашам **1 сентябрь марте** колтыман.

## Марий Элысе увер

Марий Элыште «Школыш погынаш полшо» поро кумылым ончыктымо акций **11 сентябрь марте** эртаралтеш. Шуко шочшан, начарын илыше еш-влаклан полшынеда гын, школышко пөлек шотеш тетрадым, портфельым, школ формым, йолчийемым да мольмат кондыза.

4-8 сентябрьыште «Педагог-психолог – 2023» профессионал мастарлыкым ончыктымо регионисо конкурсешко ушнаш лиеш. Тудым Регион-влак кокласе социальный институт эрара. Йодмашым **3 сентябрь марте** колтыман. Тўрыс увер – [edu.mari.ru](http://edu.mari.ru) сайтыште.

7-14 сентябрьыште «Марий куштымаш арня» акций лиеш. Марий муро почеш куштымым видеосш войзыман да **#НеделяМарийскогоТанца**, **#Тывырдык** хэштегла дене «ВКонтакте» соцыкылыш верандыман. Ойыртмалтше-влаклан дипломым кучыктат.

## Сергей Чавайнын корныж дене

18-20 августышто «Кенеж сылнымутчо-2023» сылнымут семинар Волжский район Руш Шайра ялысе каныме базыште эртаралтын. Тушко түрлө аланыште тыршыше да сылнымут дене пенгыде кылым кучышо кугуен да школышто тунемше-влак (снимкыште) погыненыт.

Икымше кечак кугу шарнымашым коден. Тудын девизше семын С.Чавайнын ушан ойжым налыныт: «Мемнан серышаш тулна шкенам калыкнам волгалтараш, тудлан ласка илышым ышташ полшаш шонымо гыч веле чүкталт шоген». Икте-весе дене палыме лиймеке, этнопсихолог Нина Айварова «Уста ег могай?» теме дене лекцийым лудын. Кастене марий калык, тудын йўлаже, тўвыраж дене кылдалтше фильм-влакым онченна.

Кокымшо кечат пеш пайдале лийын. Культуролог, литературовед Ирина Садвина «Творчество на разных языках и между ними» теме



Фотом семинарын архивше гыч налме.

дене мутланымашым эртарен. Марий Элын калык серызыже Зоя Дудина почеламутем-влакым терген да шонымашыжым каласен. Тудын сугыньжым шарнен, ончыкыжым кыртмен пашам ышташ тўналам. М.Шкетан лўмеш Марий национальный драме театрын артистше-влак пеш кугу пўлекым ыштеныт. Мемнан дек «Наследие» программе дене вашкеныт. Тўрлө модышышышт мыят ушненам.

Пытаргыш кечын кажне участниклан сертификатым кучыктеныт. Вара ме С.Чавайнын коштмо корныж дене экскурсийыш каенна. Сотнур, Петъял, Кугу Корамас яллаште лийынна. Кум кече пеш писын эртен каен. У йолташ-влак деч ойырлымат ок шу ыле. Вес ий марте «Уэш вашлиймешке» манын чеверласенна. Тау тыланет, «Кенеж сылнымутчо»!

**Настя МИХАЙЛОВА.**  
Волжский, Кугу Корамас.

## Эн лишыл вер



дене куандарат. Ух, шер теммешке канышым вет! Рюкзакеш «визытан» отметкым кондаш ямде улам.

**Таня ЗЫКОВА.**

Йошкар-Ола, 4-ше №-ан гимназий.

Фотом еш архив гыч налме.

## Угарманыш унала

Тенийысе кенеж каныш чонемлан пеш келшен. Тора Угарман олаш Мария акам деке унала миенам. Кугу да мотор олаште жапым эртараш онай ыле. Акамын икшывыж дене модынам, тўрлө семын куандараш тыршенам. Лўмжымат пеш сылным пуэныт – Давид. Кусараш гын, тудо «йўратыме» манме лишеш. Давидлан 29 сентябрьште кок ий темеш. Чолга, писе икшыве кушкеш. Мурым колышташ пеш йўрата. Вашке лезгинкым кушташ тўналеш, очыни. Шукерте огыл нунат Марий Элыш толыныт ыле. Акам Коркатово лицейышке йўратыме тунуктышыжовлак деке унала миен. Ончыкыжым мыят Мариян корныж дене каяш шонем.

**Яна ДЕМЕНТЬЕВА.**  
Морко, Коркатово.

## Чавайн



## Тукым улына

– Почеламутым сылнын да чын лудаи авам да марий йылмым тунуктышо кумылаңденет. Йочасадыштак ятыр произведенийым наизусть паленам. Рушлат, марлат лудаи келша. Но марла возымыжо чонымак ырыкта. Яков Майоров-Шкетанын сылнымутшо поснак ойыртемайтеш. Руш поэт кокла гыч Владимир Маяковскийым ойырем, – оила Саша.

Чолга рвезын почеламутым лудмыж деч посна школысо ик мероприятий ок эртаралт. Шочмо сцене калык коклашке лекташ йоным ыштен. Саша ятыр конкурсышто

Поэзий – пеш кугу паша.  
Шинчымашым погыде,  
илышым палыде, пјсö  
ушан, јнаран еҥат чын  
поэт лийын ок керт.

Я.ЯЛКАЙН.



Е.ИВАНОВАН фотожо

ужын. Поэтессын почеламутшо-влак сылне, шонаш таратыше, чоныш логалше улыт. Арам огыл тудын шомакшылан ятыр муро шочын. Калык йöратен да пагален колыштеш. Т.Соловьёвалан усталык пашаштыже лектышым да сеҥымашым тыланем.

Советский, Кельмаксола.

Кидым волтыде,  
ончыко!

Уста ешыште шочмеке, кузе чолга от лий! Республикыштына Кужэнгер район гыч Милютинмыт ешым чыланат палат, манаш лиеш. Евгений «Марий Эл» кугыжаныш куштышо ансамблыште кушта. Мария Марий Эл Республикысе калык усталык да культурканыш паша шотышто шанче-методике рүдериште пашам ышта. Татьяна Новочебоксарск олаште «Горница» руш муро калык ансамблым вуйлата. Эн изи шольышт, Александр (снимкыште), иза-ака-влак деч вараш ок код. Шорсола школышто 7-ше классым тунем пытарен. Чолгалыкшым түрлö конкурсышто терга, Йошкар-Оласе «Воштончыш» образцовый музыкально-драматический театрыш коштеш.

сеҥен. «Илыше классике» республикысе конкурсышто ойыртемайтын. Сыктывкар олаште эртаралтше «Венок дружбы» регион-влак коласе йоча фестиваль-конкурсышто Гран-прим сеҥен налын.

– Кидым волташ ок кјл.  
Еным колыштде, ончыко у

сеҥымаш  
деке ош-  
кылман.  
Кугу шо-  
нынамеш  
шукталтеш манын јша-  
нем! – оила Саша.

Х.АЛЕКСАНДРОВА.

Фотом еш архив гыч налме.



## Усталык шүлышан ял

Ковамын ялыштыже обелиск уло. Тушто ятыр лүмым возымо. Трукышто шинчашкем Букетов фамилий перныш. Чу, интернетыште кычалаш, шоналтышым. Эңерүмбал ялеш могай уста еҥ-влак шочыныт улмаш! Ф.Букетов сотемдарче лийын, «Кабан ер» икымше марий поэмым серен. Аркадий Афанасьевич ятыр почеламутым возен, тунуктышылан, журналистлан тыршен.

Серызе дене  
вашлиймаш

«Марий юнкор» республикысе усталык школышто лийме годым мемнан дек ятыр серыйзе вашлиймашке толын. Нунын коклаште – Татьяна Соловьёва (снимкыште). Тудо ятыр книгаг савыктен луктын, мурым сылнын мура, Марий Эл Радиошто вүдышылан тырша. Шукерте огыл «Кеҥеж деч ондак ок тол шыже» книгаже ош тўням

Тыгай уста еҥ-влакын шүлышышт шочмо ялышкышт курымешлан шынен. Кызытат ятырын сылнымут дене ятырын кылым кучат.

Алина СУББОТИНА.

2-шо номеран Морко школ.

Повесть гыч ужашым лудын,  
произведенийын лүмжым да авторжым палыза.

«...Чепиш омарталасе мјкшынын теле гоч кузе илен лекмыжым илемже йыр ончен коштеш. Тудо кугу капан, кјрен тјсан, йыргешке вишкыде шем пондашан марий. Пондашышкыже але чал пурен огыл. Шкенжым кугызаи ужеш гынат, витле ийым веле вончен...»

Юля ЯГОДАРОВА.

## Книга кумыланда

**К**нига могай гына юзо тўняшке логалаш огеш полшо!! Икте приключений дене куандара, весе йомакыш ужата але, эртыкым шергалын, тўрлө шымлыме пашалан кумыланда. Лудаш веле ит оркане. Морко район Купсола школышто тунемше Кристина Николаева (снимкыште – туныктышо М.Э.Михайлова дене пырля) книгам лудаш изинек йөрата. Марий книга-влакым шергалаш утларак жапым ойыра.

– Патриотизм шўлышан произведений-влак чонеш логалыт. Ик эн йоратыме произведением – Яныш Ялкайнын «Андрий Толкын» повестьше. Тушто писатель шемер марий калыкын граждан сар жапыште кузе илен лекмыжым почын пуэн. Андрийын шочмо калыкше верч тургыжланьмыже, нуным ончыко ўжмыжө куандара, – оила Кристина. – Кызытсе жапым ончалаш гын, марий эрге-влакын патрио-

тизм шўлышышт кугешныме кумылым луктеш. Ожнысо семынак калык верч шогат, элым аралат.

Лудмо книга-шамыч, Украина мландыште эртаралтше спецопераций ўдырым шымлыме пашам возаш кумыланденыт. «Элнашке геройжым огеш мондо» шымлыме пашажым Морко район Олыкъялын эргыже Д.А.Крыловлан пөлеклен. Кристина геройын ача-аваж



Авторын фотоко.

деке миен коштын, пелашыжын «ВКонтакте» соцкылысе лаштыкшым шергалын. Ты паша дене «Ший талешке» шымлыме паша краеведений конференцийыш ушнен да кокымшо верыш лектын.

**Е.ИВАНОВА.**

## Ит кылме

Кажнын шочмо йылме уло:  
Руш, марий, татар,  
чуваш...


– Марий йылме,  
тый ит шуло! –  
Эреак вашкем ойлаш.

Марий йылме,  
шочмо йылме,  
Шерге нимо деч улат.  
Курымешлан тый  
ит кылме,  
Авамла мылам кўлат.

Шочмо йылмым мый  
ом карге,  
Тудым тўзаташ тыршем.  
Марий йылме, ит когарге,  
Вияндаш, колат, сөрем!

**Настя МИХАЙЛОВА.**  
Волжский, Кугу Корамас.

## Кроссворд



1.МАССР-ын икымше калык серызыже. 2.«Порсын лўнгалтыш» драмын авторжо. 3.Чын лўмжө – Тарьянов Иван Иванович. 4.А.Спиридоновын «Югорно» эпосшым марий йылмыш кусарен. 5.А.Петтоки, Ал.Шулдыран, Чемеж Эчук шоялўмла дене савыкталтын. 6.Шернур район Купсола ялын шочшыжо. Марий Элын калык серызыже. 7.«Мичун автомобильже» книган авторжо. 8.«Пеледыш ўмыр» почеламут сборникым савыктен. 9.«Ший памаш» сылнымут фондым вуйлатыше. 10.«Вич полмезе» повестьым возен. 11.Серызе, сўретче лийын. Медведево район Арбан ялын шочшыжо.

**Йодыш-влаклан чын вашештеда гын, Йыван Кырлан кундемжым кузе манмым пален налыда.**

**Х.ТОКПУЛАТОВА** ямдылен.

## Еш дене лудына

Ешыште кум икшыве улына. Ача-авана мемнан дене изинек марла кутырат. Сандене шочмо йылмынам сайын палена да йоратена. Мыланем марла книгам лудаш утларак келша. Ойлымаш-влакым кажне кечын шергалам. Шольымлан сўретан книга-шамыч лишылрак улыт. Мый тудым изинек лудаш кумыландем. Кастене еш дене лудына. Ме «Ямде лий» газет да «Кече» журналым шергалына, ача-авана – «Кугарня» газетым да «Ончыко» журналым.

**Богдана МИХАЙЛОВА.**

**Морко, Купсола.**

## Синквейн

Роман

Кужу, онай.

Туныкта, шоныкта, полша.

Мый уло кумылын лудам.

Жанр.

**Арина ГРИГОРЬЕВА.**

Медведево, Новотроицк.

А.ГАЙДАР

## Намыс чоным «удыра»



**Н**ина Карнаухова алгебр уроклан ямдылалтын огылат, школыш ом кай, шоналта.

Паша кечын ола мучко книга кылдыш дене кошт-мыжым йолташыже, палыме ег-шамыч ынышт уж манын, Нина куэрыш шолып кая. Мотор лывым ужмеке, книга-влакым да пакетысе эр кочкышым вондер йымак шўкалын, тудым покташ тўналеш. Куржшыжла, изи рвезым шеклана. Ньюга ўмбакше порын, ўшан дене онча.

Кидыштыже букварьым, коклаштыже тодыл пышты-

ме тетрадьым ужмеке, ўдыр мыскарам ышта.

– Могай тый йолагай улат! – пенгыдын ойла Нина. – Изинек школыш от кошт, ача-аватым ондалет?

– Уке! – ўрынрак пелешта рвезе. – Мый школыш каяш лектынам. Но чодыраште пийым вашлийынам. Тудо

опталтен, да мый лўдмем дене корным йомдаренам.

Рвезе пеш онай да поро кумылан. Нина, кидше гыч кучен, куэр гыч корным ончыктен ужатен колта.

Нинан книга кылдышыже, кочкышыжо вондер йыма-лан киен кодыныт. Рвезе ончылно нуным налаш намысын чучын.

Чашкер кокла гыч пий кудал лектынат, эр кочкышым авызлен. Книга кылдышым тўкен огыл.

Мўнгеш пўртыл-меке, Нина мў-гырен шортын. Уке! Эр кочкышым чаманен огыл. Кайык-влак сылне мурым му-ренит гынат, шўмжылан йўсўлийын. Намыс чон-жым «удырен».

**Е.ИВАНОВА кусарен.**



### Угыч школыш

Салам, школна!

Мотор школна!  
Кузе илет? Вучет мемнам?  
Ужам: эше сылнештынат.  
Шижам: йокрок улмаш

тылат.  
Кенеж гоч канышна ласкан:  
Йолнам, капнам шуарышна.  
А ынде, шинчын парт  
коклаш,  
Уш-акылнам пойдарена.

**Андрей ВАСИН.**  
Советский, Шуарсола.  
2003 ий.

### У тўсан

Угыч шыже толын шуо,  
Вучалалме пагытна.  
Каена ме адак школыш,  
Тунемаш тўналына.  
А школнаже у тўс дене  
Шыргыжалын вашлиеш.  
Йынгыр йўкшў у вий дене  
Классыш ўжын

йонгалтеш.  
**Алёша ИВАНОВ.**  
Морко, Марий Кужер.  
1988 ий.

### Йўратем

Шым изи мотор яллан  
Икте веле школ мемнан.  
Керек тудо тоштырак,  
Йўратем шол путырак.

**Диана ПОПОВА.**  
Марий Турек, Арбор.  
1999 ий.

### Вучымо сентябрь

Эртен кайыш кенеж  
каныш кече,  
Эртен кайыш йомартле  
жапна.  
Окнашкем ончалеш шыже  
кече,  
Пуйто школыш кайынеже  
тудат.  
Кенеж мучко тўшкан ме  
каналын  
Кандаренна ушнажым чылан.  
Адакат иквереш погыналын  
Шинчына парт коклаш  
веселан.

**Саша ЯКИМОВ.**  
Волжский, Корамас.  
1967 ий.

### Жап шуын

Шым ий мылам шуын –  
Школыш жап каяш.  
Мыйым, кид гыч налын,  
Школыш нангаяш.  
Шинчым парт коклашке  
Тыршен тунемаш.  
Шинчымашым ынде  
Тўналам погаш.

**Ирина ПЕТРОВА.**  
Волжский, Руш Шайра.  
1993 ий.

### Куаненам

Таче мый куаненам:  
«Визытаным» налынам.  
Деепричастийым тунемын,  
Йодышлан вашештенам.  
Йоча-влак, вет паледа:  
Деепричастий пеш чоя.  
Глагол тудым шочыкта  
Да пелен шындаш тырша.  
А мый тудым муынам,  
«Визытаным» налынам.

**Валя НИКОЛАЕВА.**  
Морко, Коркатово.  
2011 ий.

## Велосипед

Велосипед, велосипед,  
Могай сае тый улат!  
Пеленемже лиймекет,  
Уто модыш орават!

Машинамже пеш изи –  
Огеш кўл тудлан бензин.  
Тылеч сайым мом муаш  
Шер теммеш кудалышташ?!

Кенета пызгүп шунгалтым!  
Мо тыгае, эх, шайтан,  
Кушкедлен пинчак урвалте –  
Тиде корно титакан...

**Ю.ГРИГОРЬЕВ.**

Тошкеда гын,  
кудалам, чарнеда  
гын, камвозам.

### Тушто



– Эргом,  
дневникет  
к у ш т о ?  
Сумкаш-

тет шым му, – ачаже Вова  
деч йодеш.

– Мый таче тудым  
Йыванлан пуэн колтенам.

– Молан?

– Ача-аважым лўдык-  
ташлан.

Рекламе.

**1 и 2**  
сентября  
11:00

МАРИЙСКИЙ НАЦИОНАЛЬНЫЙ  
ТЕАТР ДРАМЫ им. М.ШКЕТАНА

**ЗОЛУШКА** ПРЕМЬЕРА  
По мотивам сказки Ш.Перро

6+ 78-13-78

## Ару шартыш

Мотор пўртүс,  
яндар юж,  
кайык-влак мурат.  
Тыгай сўрет ке-  
нежым ялыште  
моткоч келша. Ке-  
вытыш коштде,  
мўшкырым темаш  
лиеш. Пакчаште  
кушшо тўрлө сас-  
ка, кияр, помидор  
лектышышт дене  
кажне кечын ку-  
андарат. Тамлын  
кочмеке, пашамат ышташ кумыланат. Ме Ярослав тукум шольым дене ковайлан эре полшена. Ик кечын ер воктеке паласым мушкаш миенна (снимкыште). Кўвар чатка, вўд яндар да леве ыле. Паласым ончыч шовын дене шонан-денна. Вара мушкын колтенна. Ковайын шартышыже ямде.



Фотом еш архив гыч налме.

**Артём ИВАНОВ.**

Йошкар-Ола, 24-ше №-ан школ.

### Синквейн

Маске

Мотор, онай.

Петыра, шылта, модеш.

Пайремыште кучылтына.

Куан.

**Сергей НАГАЕВ.**

Советский, Ёрша.

Йўдвел Ирланди-  
йыште мотоврач-  
влак улыт. Нуно  
ик шагатыште 290  
километрым кудал  
эртат. Азапыш  
логалше еным  
писын утараш  
полшат.

Сўретым чиялтыза.



29 август –  
Мотоциклын шочмо  
кечыже.

### Палаш онгай

Икымше мотоцикл-влакын  
тормозышт лийын огыл.  
Писын кудалмышт годым  
йол дене веле шогалте-  
ныт. 1902 ийыште  
Филадельфия оласе  
ик компаний тор-  
мозым шонен  
луктын.

«Ямде лий» газет  
Тўг редактор олмеш  
**Х.Г.АЛЕКСАНДРОВА.**  
Индекс: П4696.  
Тираж 1550 экз. Заказ  
Формат – А-4-8.

[https://vk.com/yamde\\_lii](https://vk.com/yamde_lii)  
<https://t.me/yamdelii>  
E-mail: [yamde\\_lii@mari-el.ru](mailto:yamde_lii@mari-el.ru)  
(документ кагазлан),  
[yamde\\_lii@mail.ru](mailto:yamde_lii@mail.ru)  
(автор-влаклан)  
Сайтын адресше: [yamdelii.rf](http://yamdelii.rf)

**УЧРЕДИТЕЛЬ:**  
Марий Эл Республикысе  
Культур, печать да  
калык-влакын пашашт  
шотышто министерстве.

Газетым редакцийыште  
погымо да версталыме,  
«Марий Эл Республикысе  
Правительствын типографийже» ООО-што ямде  
оригинал-макет гыч савыктыме. Типографийын  
адресше: 424000, Йошкар-Ола, Комсомольский урем, 112.

Газетым Кыл, информационный тех-  
нологий да массовый коммуникаций  
сферым эскериме шотышто федераль-  
ный службын Юл кундем федеральный  
округысо управленийышытже регис-  
трироватлыме.  
Номер – ПИ № ТУ52-01335,  
2021 ий 29 сентябрьыште пуымо.

0+

Печатьыш пуымо жап –  
14-00,  
фактически – 13-00

Авторын да редакцийын шоныма-  
шышт тўрлө лийын кертыт. Серыш-  
влак мўнгеш огыт колталт.  
Ак – кутырен келшыме почеш.

Редакцийын да издательнын адресше:  
424006, Йошкар-Ола, СССР Вооружённый  
Вийын 70-ше идалькыше урем, 20-шо пўрт.  
Тел. 8(8362) 45-22-82.



**КОНКУРС**

Стефания ИВАНОВА,  
Милена ден Ульяна  
ЯМЩИКОВАМЫТ  
(Волжский, Шарача).  
Шочмо ялысе пүртүс  
лонгаште.




**Шочмо  
верыштем**

Вероника ден Марк  
КРЕЩЁНОВМЫТ  
(Одо кундем, Грак,  
Починга).  
Шочмо ялысе уремыште.




Катя ден Ангелина  
ЧУРИКОВАМЫТ  
(Кужэнгер, Шўдымарий).  
Кужэнгер районысо  
Кў ырыкышто.




4 шырпым  
верышт  
дене ваш-  
талтен, 3  
икгай квад-  
ратым  
ыштыза.

**Задаче**


Анук эн ужарге да эн  
кугу грушым огеш нал  
гын, могай грушо укш гыч  
йомеш!



Пурлаште ончыктымo  
ужаш-влакым кугу  
кубикыште  
кычалза.



**Фигур-влакым шотлыза.**



**«К» буква дене**

Катя, Кира, Кирилл ке-  
неж каникулым Краснода-  
рыште каненят. Каныш  
келшен, куаным конден. Ко-  
кашт кумылан ден кертын.  
Когылым кўэштын, косте-  
нечым колтен. Кызыт кумы-  
тынат книгаг кидыш кучат.  
**Виктория КРАСНОВА.**  
Морко, Эгерсола.

**Математике кроссворд**

		6				
1	5	+		=	1	0
+					+	
			=			5
+		9			+	
=		2	+		=	7
7						9

1 гыч 16 марте шотлен,  
чывылан чывигыж деке  
корным муаш полшыза.

